

The Electronic *Manipulus florum*
www.manipulusflorum.com

Caro siue corpus ad
cum uariis

Iam qui bona pre se corporis ferunt, quam exigua, quam fragili possessione utuntur!
Forme uero nitor ut rapidus est et uelox et uernalium florum mutabilitate fugacior. Quod
ut si, ait Aristoteles, Linceis oculis homines uterentur ut eorum uisus obstancia
penetraret, nonne introspectis uisceribus illud Alcipiadis superficie pulcherrimum corpus
turpissimum uideretur? Igitur te pulchrum uideri non tua natura sed oculorum
spectantium reddit infirmitas. Sed estimate quam multis nimia corporis bona dum sciatis
hoc quodcumque miramini triduane febris igniculo posse dissolui.

Boecius III. de consolacione.

Varia in MANUSCRIPTIS (B C M) et in IMPRESSIS (P V¹ V² L¹ L²):

pre se corporis] corporis pre se P V¹ V² L¹ L²; uero] uere M; ut si] si ut M; ut si ait
Aristoteles Linceis] ut ait Aristoteles. Si Linceis P V¹ V² L¹ L²; igitur] ideo P V¹ V² L¹ L²;
estimate] existimate P V¹ V² L¹ L²; sed estimate quam multis nimia corporis bona dum
sciatis hoc quodcumque miramini triduane febris igniculo posse dissolui *om.* V² L¹ L²